

তারিখ: ২১.০৪.২০২৫

প্রেস বিজ্ঞপ্তি-

### ডিএইচএমএস পরীক্ষা: চসিক হোমিওপ্যাথিক মেডিকেল কলেজের ইতিহাসে সর্বোচ্চ সাফল্য মেয়রের হাতে ফলাফল হস্তান্তর, ভবিষ্যতেও ধারাবাহিকতা বজায় রাখার আহ্বান

ডিপ্লোমা ইন হোমিওপ্যাথিক মেডিকেল সায়েন্স (ডিএইচএমএস) পরীক্ষায় চট্টগ্রাম সিটি কর্পোরেশন পরিচালিত ডা. জাকির হোসেন হোমিওপ্যাথিক মেডিকেল কলেজ ও হাসপাতালের ফলাফল কলেজ পরিচালনা পর্ষদের সভাপতি ডা. শাহাদাত হোসেনের হাতে আনুষ্ঠানিকভাবে হস্তান্তর করেন কলেজের অধ্যক্ষ ডা. এম এইচ আর রেজাউল করিমের নেতৃত্বে কলেজ শিক্ষক সমিতির নেতৃবৃন্দ। সোমবার টাইগারপাসস্থ চসিক কার্যালয়ে সাক্ষাৎকালে অধ্যক্ষ জানান, এ বছর কলেজটি গত ২৭ বছরের মধ্যে সর্বোচ্চ সাফল্য অর্জন করেছে। প্রথম বর্ষে মেধা তালিকায় দেশের মধ্যে ১ম ও ৭ম স্থান এবং চতুর্থ বর্ষে ৩য় স্থান অর্জন করেছে কলেজের শিক্ষার্থীরা। তিনি এই অসাধারণ অর্জনকে শিক্ষকদের কঠোর পরিশ্রম, শিক্ষার্থীদের আন্তরিক প্রচেষ্টা এবং কলেজের সার্বিক মানোন্নয়নের প্রতিফলন বলে উল্লেখ করেন। মেয়র ডা. শাহাদাত হোসেন কলেজের সাফল্যে সন্তোষ প্রকাশ করে বলেন, “এই অর্জন শুধু কলেজের জন্য নয়, চট্টগ্রাম সিটি কর্পোরেশনের জন্যও গর্বের বিষয়। ভবিষ্যতেও শিক্ষার মান বজায় রেখে আরও ভালো ফলাফলের মাধ্যমে কলেজের সুনাম অক্ষুণ্ণ রাখতে হবে।” সাক্ষাৎকালে আরও উপস্থিত ছিলেন চসিকের প্রধান নির্বাহী কর্মকর্তা শেখ মুহম্মদ তৌহিদুল ইসলাম, প্রধান হিসাবরক্ষণ কর্মকর্তা হুমায়ুন কবির চৌধুরী, কলেজের শিক্ষক ডা. অঞ্জন দত্ত, ডা. খোরশেদুল আলম চৌধুরী, ডা. বিকাশ চন্দ্র বণিক, ডা. মোহাম্মদ কামাল হোসেন, ডা. শরীফ জামান, ডা. কাউসার হামিদ, ডা. মো. জুলফিকার হায়দার এবং অফিস কর্মকর্তা মোহাম্মদ সুমন।

### ক্লিন চট্টগ্রাম গড়তে ব্যবসায়ীদের সহযোগিতা প্রয়োজন: মেয়র ডা. শাহাদাত হোসেন

চট্টগ্রাম সিটি কর্পোরেশনের মেয়র ডা. শাহাদাত হোসেন বলেছেন, “চট্টগ্রামকে ক্লিন, গ্রীন ও হেলদি সিটি হিসেবে গড়ে তুলতে হলে নগরবাসী, ব্যবসায়ী ও প্রশাসনের সম্মিলিত প্রচেষ্টা প্রয়োজন। একটি নিরাপদ, পরিচ্ছন্ন ও জলাবদ্ধতামুক্ত শহর গড়তে হলে সবাইকে সচেতন ও দায়িত্বশীল হতে হবে। তিনি রোববার লালদীঘি পাড়স্থ সিটি কর্পোরেশন কনফারেন্স হলে বাংলাদেশ দোকান মালিক সমিতি, চট্টগ্রাম শাখার সাথে এক মতবিনিময় সভায় এসব কথা বলেন। সভায় চট্টগ্রামের ব্যবসায়ীদের বিভিন্ন সমস্যা এবং দাবি নিয়ে আলোচনা হয়। ছালামত আলীর সভাপতিত্বে সাজেদুল আলম মিল্টনের সঞ্চালনায় এতে প্রধান অতিথি ছিলেন সিটি মেয়র ডাঃ শাহাদাত হোসেন। এতে প্রধান বক্তা ছিলেন বাংলাদেশ দোকান মালিক সমিতির কেন্দ্রীয় মহাসচিব জহিরুল হক ভূঁইয়া। মেয়র বলেন, “নগরীর বিভিন্ন এলাকায় খোলা ম্যানহোল, চুরি হয়ে যাওয়া ঢাকনা ও স্ল্যাব, খালের পাশে সুরক্ষার অভাব এসব বিষয় নগরবাসীর জন্য বিপজ্জনক হয়ে উঠছে। আপনারা এসব চোখে পড়লেই আমাদের জানাবেন। আমরা ইতোমধ্যে ইঞ্জিনিয়ার, পরিচ্ছন্নতা সুপারভাইজার এবং রাজনৈতিক নেতাকর্মীদের সমন্বয়ে রিপোর্ট তৈরির নির্দেশ দিয়েছি। বৃহস্পতিবারের মধ্যে সমন্বিত রিপোর্ট হাতে পাবো।” পরিচ্ছন্নতা প্রসঙ্গে মেয়র বলেন, “প্রতিটি দোকানে ময়লা ফেলার জন্য বিন দেওয়া হবে। ব্যবসায়ীরা নিজেদের দোকানের সামনে বিনে ময়লা ফেলবেন। ময়লা রাস্তায় ফেললে ব্যবস্থা নেওয়া হবে। যারা নির্দেশনা মানবে না, তাদের বিরুদ্ধে ভ্রাম্যমাণ আদালতের মাধ্যমে ব্যবস্থা নেওয়া হবে।” হকার প্রসঙ্গে মেয়র জানান, “আমরা চাইলে হকারদের একেবারে উচ্ছেদ করতে পারতাম, কিন্তু তাদেরও পরিবার আছে। তাই মানবিক দৃষ্টিভঙ্গি থেকে সিদ্ধান্ত নিয়েছি, তারা সকাল থেকে বিকাল ৩টা থেকে রাত ১১ পর্যন্ত বসতে পারবেন। এরপর আমরা পরিকল্পিতভাবে ইভনিং নাইট মার্কেট চালু করবো।” তিনি আরও বলেন, “চট্টগ্রাম একটি সম্ভাবনাময় শহর। এখানে বন্দর, খাতুনগঞ্জ, আত্মবাদ, ইন্টারন্যাশনাল ট্রেড সেন্টার রয়েছে। এ শহর বাঁচলে বাংলাদেশ বাঁচবে। তাই সবাইকে নিয়ে আমরা একটি পরিচ্ছন্ন, পরিকল্পিত ও আধুনিক শহর গড়ে তুলতে চাই।” এসময় আরো উপস্থিত ছিলেন বাংলাদেশ দোকান মালিক সমিতি কেন্দ্রীয় কমিটি সহ-সহ-সভাপতি নজরুল ইসলাম, আব্দুল কাইয়ুম তালুকদার মনি, আবদুর রাজ্জাক, সেলিম নূর, হারুনুর রশীদ, আহম্মদ রশীদ আমু, আবুল কাশেম, আফসার হোসেন জসিম, জাকির হোসেন, মোঃ রফিক, গোলাপুর রহমান, ফরিদ আহমেদ, আবদুল গফুর ফন্টি, আবু তাহের, ইয়াছিন মোঃ মহিউদ্দিনসহ চট্টগ্রাম ব্যবসায়ী নেতৃবৃন্দ।



## বাকলিয়ায় যুবদলের খাল খনন কর্মসূচিতে মেয়র ডা. শাহাদাত হোসেন

জলাবদ্ধতা নিরসনে সবাইকে ঐক্যবদ্ধভাবে কাজ করতে হবে চট্টগ্রাম মহানগরীর জলাবদ্ধতা নিরসনে দলমত নির্বিশেষে সম্মিলিতভাবে কাজ করার আহ্বান জানিয়েছেন চট্টগ্রাম সিটি কর্পোরেশনের মেয়র ডা. শাহাদাত হোসেন। বাকলিয়া থানা যুবদলের উদ্যোগে বীর্জা খালের সেকেন্ডারি অংশের খনন কাজের উদ্বোধনকালে তিনি এ মন্তব্য করেন। আসন্ন বর্ষায় জলাবদ্ধতা রোধে খাল নালা খনন ও পরিষ্কার পরিচ্ছন্নতা কার্যক্রমের অংশ হিসেবে এ কর্মসূচির আয়োজন করা হয়। উদ্বোধনী বক্তব্যে মেয়র বলেন, জলাবদ্ধতা নিরসনে দলমত নির্বিশেষে সবাইকে ঐক্যবদ্ধভাবে কাজ করতে হবে। শহীদ রাষ্ট্রপতি জিয়াউর রহমান খাল খননের উদ্যোগ নিয়েছিলেন, তা পরিকল্পিত উন্নয়নের নিদর্শন। তার সে দূরদর্শী চিন্তা থেকে আমাদের শিক্ষা ও অনুপ্রেরণা নিতে হবে। তিনি বলেন, খাল ও নালাগুলো দখল ও ময়লায় ভরাট হয়ে যাওয়ার কারণেই নগরবাসী প্রতি বর্ষায় দুর্ভোগে পড়ে। এটি সমাধানে প্রয়োজন পরিকল্পিত খনন, নিয়মিত পরিচ্ছন্নতা এবং সর্বোপরি নাগরিকদের সচেতনতা। নগরবাসীর প্রতি সচেতনতার আহ্বান জানিয়ে মেয়র বলেন, পরিচ্ছন্ন নগরী গড়তে শুধু সিটি কর্পোরেশনের কর্মচারীদের দায়িত্ব নয়, নাগরিকদেরও গুরুত্বপূর্ণ ভূমিকা রাখতে হবে। যত্রতত্র ময়লা না ফেলে নির্ধারিত স্থানে ফেলতে হবে। পরিবেশ বিধ্বংসী পলিথিন ব্যবহার এখনই বন্ধ করা প্রয়োজন। তিনি জানান, চসিক নগর পরিচ্ছন্ন রাখতে বিশেষ অভিযান শুরু করেছে। সিটি কর্পোরেশনের স্পেশাল ম্যাজিস্ট্রেট ও নির্বাহী ম্যাজিস্ট্রেটরা নগরজুড়ে নিয়মিত অভিযান পরিচালনা করছে। তিনি নগরের জলাবদ্ধতা ও পরিবেশ দূষণ রোধে রাজনৈতিক দল ও তরুণ সমাজকে আরও সক্রিয়ভাবে এগিয়ে আসার আহ্বান জানান। বাকলিয়া থানা যুবদলের সদস্য সচিব হাজী মো. মুছার উদ্যোগে আয়োজিত এই কর্মসূচিতে আরও উপস্থিত ছিলেন চট্টগ্রাম সিটি কর্পোরেশনের প্রধান নির্বাহী কর্মকর্তা শেখ মুহম্মদ তৌহিদুল ইসলাম, প্রধান পরিচ্ছন্ন কর্মকর্তা কমান্ডার ইখতিয়ার উদ্দিন আহমেদ চৌধুরী, বিএনপি নেতা হাজী নবাব খান, ইসমাদিল বাবুল, মো. আলমগীর, আজিজুল হক মাছুম।

## আনোয়ারা ফুটবল একাডেমির জার্সি উন্মোচন করলেন চসিক মেয়র

চট্টগ্রাম জেলা ফুটবল এসোসিয়েশন আয়োজিত সিডিএফএমের একাডেমি কাপ ফুটবল টুর্নামেন্ট (অনুধ্ব-১৩) অংশগ্রহণকারী আনোয়ারা ফুটবল একাডেমির জার্সি উন্মোচন করা হয়েছে। আজ সোমবার নগরীর টাইগারপাস্চ নগর ভবনে এই জার্সি উন্মোচন করেন চট্টগ্রাম সিটি কর্পোরেশনের মেয়র ডা. শাহাদাত হোসেন। এসময় উপস্থিত ছিলেন আনোয়ারা ফুটবল একাডেমির পরিচালক আমিন ফারুক, একাডেমির টেকনিক্যাল এডভাইজার ইমরান এমি, আনোয়ারা উপজেলা ক্রীড়া সংস্থার অ্যাডহক কমিটির সদস্য মেজবাহ উদ্দিন চৌধুরী জাহেদ, সাগের আহমেদ স্মৃতি সংসদের চেয়ারম্যান মো. সাদ্দাম হোসেন প্রমুখ।



স্বাক্ষরিত/-

(আজিজ আহমদ)

জনসংযোগ ও প্রটোকল কর্মকর্তা

চট্টগ্রাম সিটি কর্পোরেশন।

মোবাইল-০১৮১৯-৯৩০৪৮৮